

續修陝西省通志稿

第九十四冊

卷一百七十九至一百八十

續修陝西通志稿卷一百七十九

紀事十三

西巡本末

歷代帝王皆舉省方觀民之典清聖祖亦嘗西幸長安際全盛之年行時邁之禮崇閎規制備載前編至德宗光緒庚子亦奉慈輿西狩則以拳匪構禍開釁友邦八國聯軍侵犯宮闕都城失守九有震驚倉卒北行乘輿播越類於唐玄幸蜀宋高幸浙岌岌乎有偏安之慮視仁廟行太平巡狩禮者情事迥不侔矣其時英德俄美諸國無不邀蹕東還盤敦干戈勢殊暴橫設非李文忠以三十年北洋之夙望支柱其間則所謂我能往寇亦能往者竊恐金幹離不元伯顏之師縱橫掃蕩追躡而西殆非口舌所能爭矣又是時俄主覆德宗書有曰但須速迴鑾駕自秉大權日主覆德宗書

有曰所望不幸陝右即回北京而德皇致中朝國書中具言首禍
宜懲並有早能回蹕京師更深欣悅之語其他英美各邦亦俱屢
電促還宸馭俄函隱咎慈禧蓋不獨爲通商計而實爲接近議欸
計也中間俄約軒起大波羣議紛然江鄂兩督爭之尤力久而不
決遂肇日俄之釁說者謂文忠若在或不至潰決若斯然其事英
日終不贊成而俄國王爵吳克託者反欲兩宮移蹕盛京在彼與
各國開議和局用心愈不可測是以禧后暨德廟深慮陷入虎口
諸受挾制屢卻慶邸及李文忠劉忠誠回鑾之請而瓜佳相國與
李文忠書謂不俟欸議定後遽爾旋蹕非惟兩宮不肯出亦豈臣
下所忍言用是瞻顧徬徨遲至次年四月始下還京之詔其中情
勢有莫可明言者顧翠華西蒞駐陝經年詔令時頒久稱行在與
夫約章磋商定拳黨誅夷新政厲行秦災普賑事關大局揆諸南巡

之典北盟之編有不可付之闕如者撮舉其要具著於篇併附錄行在逸聞瑣事聊備掌故固纂邦乘者所不廢也若夫天子出狩春秋之義例不諱書而國君死社稷乃指諸侯言明莊烈誤會斯旨身喪國傾千載悲憫證之兩漢學者春秋解義初不謂然然則有清德宗巡狩關中爲權宜避狄之計古之人蓋有行之者矣要之宸駕返而憲政施革故鼎新爲勝朝一大關鍵斯編亦古今得失之林也可勝慨哉

西巡本末一

清德宗光緒二十六年七月甲子上命機軍大臣等傳諭李鴻章曰七月二十一日洋兵猛攻入城圖撲宮禁勢甚危險朕不得已恭奉慈禧端佑康頤昭豫莊誠壽恭欽獻崇熙皇太后暫行西幸此次釁起民教互鬪朝廷辦理爲難情形已歷次備具國書詳告

各國彼方以代除亂民爲辭於國家並無他意而視此舉動殊屬不顧邦交未符原議且中國於駐京各使臣始終委曲保全未嘗失禮尤不應如此相待昨已派榮祿徐桐崇綺留京辦事然當各國氣勢方張之際恐在京未能遽與開議該大臣公忠素著平日威望亦爲外人所信服國事如此不知該大臣如何憤激著即迅籌辦法或電各國外部或商上海各總領事從中轉圜務期竭盡心力爲國捍此大患朕不勝翹盼之至先是五月壬寅京畿拳匪亂起是日上諭邇來近畿一帶鄉民練習拳勇良莠混雜深恐別滋事端迭經諭令京外各衙門嚴行禁止近聞多有游勇會匪溷跡其間借端肆擾甚至戕殺武員燒燬電綫鐵路似此愍不畏法實與亂民何異著派出之統兵大員及地方文武迅即嚴拿匪首解散脅從儻敢列仗抗拒應即相機勦辦以昭炯戒現在人心浮

動遇事生風所有教堂教民地方官均應切實保護俾獲安全而弭禍變癸卯上諭昨因拳匪滋事業經明降諭旨分別辦理此等鄉愚良莠不齊其辦法不外乎嚴拿首要解散脅從現在直隸及附近京城一帶到處人心浮動若不迅速嚴辦何以杜邪慝而淨根株著步軍統領衙門順天府五城直隸總督嚴飭各該地方官並統帶各員如拳匪中實係滋擾地方甘心爲亂者即當合力捕拿嚴行懲辦不得互相推諉如再因循定惟崇禮等是問決不寬貸其有隨聲附和並無滋擾實跡者亦應剴切曉諭立時解散毋任再起釁端庚戌上諭西人傳教中國歷有年所該教士無非勸人爲善而教民等亦從無恃教滋事故民教均各相安各行其道近來各省教堂林立教民繁多遂有不逞之徒溷跡其間教士亦難徧查優劣而該匪徒藉入教爲名欺壓平民武斷鄉曲諒亦非

該教士所願至義和拳匪在嘉慶年間亦曾申禁近因其練藝保身守護鄉里並未滋生事端是以明降諭旨飭令各地方官妥速彈壓無論其會不會但論其匪不匪如有藉端滋事即應嚴拿懲辦是教民拳民均爲國家赤子朝廷一視同仁不分教會即有民教因案涉訟亦曾諭令各地方官持平辦理乃近來各府廳州縣積習相沿因循玩愒平日既未能聯屬教士又不能體恤民情遇有民教交涉竟未能悉心考察妥速辦理致使積怨已深民教成仇遂有拳民以仇教爲名倡立團會再加奸民會匪附入其中藉端滋擾拆毀鐵路焚燒教堂夫鐵路原係國家所造教堂亦係教士教民所居烏得任意焚燬是該團民等且與國家爲難實出情理之外昨已簡派順天府府尹軍機大臣趙舒翹前往宣旨曉諭該團民等應即遵旨一體解散各安生業偶有奸民會匪從中慫

愚煽惑會團擾害地方該團即行交出首犯按律懲辦如再執迷
不悟即係莠民一經大兵勦捕勢必父母妻子離散家破身亡仍
負不忠不義之名後悔無及朝廷深為吾民惜也經此次宣諭之
後如仍不悛改即著大學士榮祿分飭董福祥宋慶馬玉崑督率
所部實力勦捕仍以分別首從解散脅從為要至派出隊伍原所
以保衛地方乃聞直隸所派之軍不但未能保護彈壓且有騷擾
地方情事即著直隸總督裕祿嚴行查訪倘有不肖營哨各官不
能嚴束勇丁即以軍法從事決不寬貸此旨即著刻刊謄黃曉諭
軍民人等一體知之

直隸吳橋縣某令告示恭讀仁宗睿皇帝聖訓卷九十九嘉慶十三年七月戊寅上諭軍

機大臣等給事中周廷森奏請嚴懲聚匪徒一摺據稱近日江
南之穎州府亳州徐州府河南之歸德府山東之曹州府沂州府

兗州府一帶地方多有無賴匪徒聚眾設立順刀會虎尾鞭
義和拳八卦教名目橫行鄉曲欺壓良善其滋事之由先由賭博

而起遇會場市集公然賭設長棚聚賭勾通胥吏為之耳目
請飭下三省督撫認真緝清查保甲密訪為首棍徒姓名聚賭日

械河南山案東毗連各州縣治並有責或等地匪徒官嚴定嚴黜行懲等語以江靖南閩
於閩里不可保養正癰設貽里患保至之清查皆其黨雖屬仍匪不肯良據實舉報方總官在府耳縣目
隨各同官爲平匪自留不心至體釀成隨巨案查株累將多首人犯嚴辦吏使脅以從者官知人懼役不敢
各於督撫同認包真庇查尤辦密有罕穎毫辦等剔除各積府蠹州著縣交選南廉安明微河幹練南之山員東
此取內其有才舊堪係治簡劇僻而又分能而寬地猛方得今昔通曉情形事不體同者初任之隨員難整資頃治如
職理者者立不妨糾奏參明更嘉調慶果十能三化年俗諭宜民一著道有成義和加奉獎旨勸查禁茸懲不
及辦歷明次文罕嘉辦慶成二案十年義那和文罕毅一公門奏疏白一蓮通教內之載義和其罕教教以派練源習流
祖拳師棒及爲大由師託兄言二神師靈兄附等體講目道其教爲罕詭教稱形念誦顯咒然語那能文禦毅槍公毆疏有
等中傳考習明義其和爲門離教卦一教案之故子孫葛徒立黨歷案傳述習獲義辦和過門青縣李預八知葉逆幅情明
遣一案罪青此縣義尤和明拳等實傳爲習邪義教和之門確離切證教據一案其均黨分自別嘉擬慶以年凌間遲懲斬
漸辦明以後張根膽株無迄未忌盡憚絕上年東冠兩省各處州義縣和所罕在黨多類有初天猶主飲教戡民近
專爲仇仇教竟民至不聚擾衆抗善官而重民煩教兵不力是和之其處逆良民已遂彰爲著所感彼黨而揚忘言

其降神誦咒之爲邪術誤以爲出於義憤遇事輒曲爲調停不敢
府以民教相爭之故懼稍偏袒有拂與情隨聲附和爲調停不
昌言查禁甚於乾隆年間已見章奏是時天主教蘇蔓教猶未
教非因之仇隙假而起爲可知託其詞公憤爲難羣非仇其聚
迹無而知其被煽惑招誘至身謀陷耳重辟而本意則實有謀
皆由信而不從之其以教身試法流哉近奉之所致也若通知
曉諭必將執其法實嚴懲決不久曲奉明禁緣由顯爲揭破嚴
勸導亦轉無相告乘誠之勿隙是以誘向無邑被惑信從之循
未詳門實據茲邪復教錄非此義編民俾久邑嚴士緝查得懲
章則弟於此相戒正不得方聽除其黨妄言之道裨益其實非
前因近畿一帶拳民藉端滋事人心浮動迭經諭令嚴行查辦乃

近來京城地面往往有無賴之徒三五成羣執持刀械游行街市
聚散無常若不亟行嚴禁實屬不成事體步軍統領衙門順天府

五城均有緝捕匪徒稽查地方之責豈容此輩麀聚輦轂紛紛擾攘搖惑人心除諭飭管理神機營虎神營王大臣等將所部弁兵全行駐廠並遣派馬步隊伍各按地面晝夜梭巡倘有匪徒聚衆生事即行拿辦外並責成步軍統領衙門順天府五城嚴飭該管員弁兵役人等各分汛地嚴密巡查遇有形跡可疑及結黨持械造言生事之人立即嚴拿懲辦毋稍疏虞以遏亂萌而靖地方甲寅上諭端郡王載漪著管理總理各國事務衙門禮部尙書啓秀工部右侍郎溥興內閣學士兼禮部侍郎銜那桐均著在總理各國事務衙門大臣上行走現在時事艱難該王大臣等務當實心任事以副委任不准固辭乙卯日本使館書記官杉山彬被戕丁巳上諭十五日永定門外日本書記生杉山彬有被匪徒戕害之事聞之實深惋惜鄰國駐京使臣本應隨時保護現在匪徒蜂起

尤宜加意嚴防迭經諭令各該地方官派兵巡緝密爲保護奚止三令五申乃輦轂之地竟有日本書記被害之事該地方文武員弁事前既未能防範事後亦未能拿獲實屬不成事體著各該衙門上緊立限嚴拿凶犯務獲儘法懲治倘逾限未獲定行嚴加懲處是日又諭近來畿輔一帶土匪滋事擾及京城地面迭經明降諭旨飭令解散並飭京營及近畿各軍分途妥爲彈壓乃近日焚殺之案仍復層見迭出奸匪造作謠言借仇教爲名擾及良善於朝廷禁令視若弁髦無論結黨橫行戕殺有據即使僞託良民冒稱嚮義試問自來立國之道有縱容亂民藉以自固者乎況現經查拿拳民結黨實有游勇會匪混跡其間肆行搶劫昨諭令剛毅趙舒翹等馳赴良鄉涿州等處宣布朝廷德意其安分拳民業已具結焚殺之案顯係亂匪所爲朝廷僅論其滋事與否以爲良莠

之分此等匪徒自應嚴加懲辦不容再事姑容著宋慶速飭馬玉崑尅日帶兵馳赴近畿一帶沿途實力勦捕仍著以嚴拿首犯解散脅從爲要義派出各軍務宜嚴申紀律不准藉端滋擾以清奸宄而安良善將此通諭知之已未命宋慶拔隊赴天津勦辦拳匪是日又諭昨因拳匪滋擾京城曾諭令步軍統領衙門嚴拿首要認真梭巡前拿獲造言生事喧嘩惑衆之犯業交刑部正法乃昨日夜間城內各處焚燒如舊且有奸宄從中煽惑竟敢明目張膽沿途喊殺持械尋仇致有殺害情事官兵任其猖獗城門由其出入人心一夕數驚居民不得安業輦轂之下擾亂至於此極若再不嚴行懲辦爲禍不堪設想著步軍統領分飭各地方官兵並著神機營虎神營各派馬步隊伍並添派武衛中軍弁兵會同彈壓加意梭巡遇有持械喊殺之犯立即拿獲送交提督衙門即行正

法勒限將首要各犯迅即拿獲不准再事姑息其僅止附和脅從等犯應飭立刻解散其城內設立壇棚應盡行拆去並派載瀛奕劻溥良載卓巡查街巷遇有隊伍緝捕不力隨時稽查參辦至各城門啓閉出入尤宜加意慎重著派崇勳載豐普深伊立布克蒙額英信松鶴色普徵額德雲分往九門稽查啓閉出入九門以外著五城御史一體認真查辦責成中城御史陳璧倡率辦理並著派慶親王奕劻端郡王載漪貝勒載瀛大學士榮祿督飭派出各員及馬步各營並地方文武實力遵行如有疎懈貽誤即行據實嚴參庚申電召巡閱長江水師大臣李秉衡來京辛酉英俄德法美意奧日本聯軍攻大沽礮臺據之壬戌電諭李鴻章迅速來京兩廣總督命德壽兼署甲子德國駐京使臣克林德被戕丁卯上諭軍機大臣等李鴻章李秉衡等各電均悉此次之變事機雜出

均非意料所及朝廷慎重邦交從不肯輕於開釁奏稱中外強弱情形亦不待智者而後知團民在輦轂之下仇教焚殺正在勦撫兩難之際而二十日各國兵艦已在大沽力索礮臺限二十一日二點鐘交付羅榮光未肯應允次日彼即開礮轟擊羅榮光不得不開礮還擊相持竟日遂至不守卻非釁自我開現在兵民交責在京各使館勢甚危迫我仍盡力保護此都中近日情形也大局安危正難逆料爾沿海沿江各督撫惟當懍遵迭次諭旨各盡其職守之所當爲相機審勢極力辦理是爲至要六月癸未我軍與各國聯軍戰於八里臺聶士成死之丁亥各國聯軍攻天津戊子各國聯軍占據天津宋慶馬玉崑裕祿退守北倉癸巳命宋慶馬玉崑裕祿恢復天津七月己酉各國聯軍由天津進攻北倉據之庚戌各國聯軍據我楊村直隸總督裕祿死之壬子各國聯軍據

我蔡村是日上諭此次中外肇釁各國不無誤會中國地方官亦有辦理不善之處兵連禍結有乖夙好總非全球之福著授李鴻章爲全權大臣即日電商各國外部先行停戰仍將應行議結事宜分別妥商請旨遵行癸丑李秉衡率夏辛酉陳澤霖張春發合攻蔡村不克各國聯軍進據河西塢乙卯命馬玉崑移軍駐紮南苑丙辰李秉衡督師規取河西塢至武清縣馬頭地方遇敵敗績死之丁巳各國聯軍進據通州是日命馬玉崑移軍駐紮采育戊午各國聯軍逼京師己未各國聯軍入京師庚申上奉皇太后啓鑾出德勝門駐園壬戌上奉皇太后至懷來縣駐蹕至是命軍機大臣寄信李鴻章等迅籌辦法從中轉圜諭旨即駐蹕懷來日所發也丙寅上奉皇太后啓鑾行六十里至宣化府駐蹕己巳諭全權大臣李鴻章准其便宜行事將應辦事宜迅速辦理朕不爲遙

制接奉此旨後先行覆奏以慰塵系甲戌上奉皇太后至山西大同府駐蹕丙子諭軍機大臣等李鴻章電奏閱悉具見憂國忱惓初三日因崑岡等奏報與赫德會晤情形已命慶親王奕劻星馳回京會同該大臣商辦一切事宜著仍遵前旨乘坐輪船迅速來京會同慶親王力挽危局所請添派榮祿等一節所見甚是著即派劉坤一張之洞隨時函電會商榮祿現辦防務著俟該大臣到京後體察情形再行請旨丁丑諭岑春煊奏兵勇滋事奏明請旨一摺據稱護軍練兵瑚圖禮英山被民人梁滿住喊控糾搶騾馬審訊明確瑚圖禮英山均著即行正法以昭炯戒練兵滿漢各有統屬即屬暫時兼管亦應各專責成嚴行約束豈容任其沿途滋擾此次該管之營哨各官均著交部議處如有不法兵勇搶奪馬車及用強買賣者拿獲到案即著岑春煊會同該管之王大臣嚴